

Miroslav Janjanin, predsjednik Skupštine AIS-a

Datum: 05.02.2024. godine

Na realizaciju sazivanja i održavanja sjednice Skupštine:

Almir Ajanović, predsjednik Upravnog odbora AIS-a  
Slaviša Guja, potpredsjednik Upravnog odbora AIS-a  
Reuf Herić, direktor Stručne službe AIS-a  
Jasmina Misirlić, sekretar AIS-a

Na znanje i pomoć u realizaciji sjednice Skupštine:

Dalal Mithat Talakić, član Upravnog odbora AIS-a  
Damir Bečić, član Upravnog odbora AIS-a  
Miroslav Bartulica, član Upravnog odbora AIS-a  
Suad Jukić, predsjednik Nadzornog odbora AIS-a  
Nedim Srnja, član Nadzornog odbora AIS-a  
Elvir Bandić, član Nadzornog odbora AIS-a  
Mehmed Bajraktarević, zamjenik predsjednika Skupštine AIS-a

Na znanje:

Institut za intelektualno vlasništvo BiH

**PREDMET: ZAHTJEV ZA REALIZACIJU AKTIVNOSTI OKO ODRŽAVANJA  
VANREDNE SJEDNICE SKUPŠTINE AIS-a KOJU OVIM PUTEM SAZIVAM**

Poštovani,

Ovim putem kao predsjednik Skupštine AIS-a ZAHTIJEVAM aktivnost goreimenovanih na sazivanju i održavanju Skupštine AIS-a na način:

1. Da Almir Ajanović kao predsjednik Upravnog odbora AIS-a i Slaviša Guja kao potpredsjednik Upravnog odbora AIS-a izdaju potrebne naloge sekretaru AIS-a i direktoru Stručne službe AIS-a za realizaciju svih aktivnosti na sazivanju i održavanju Skupštine AIS-a po informacijama i elementima koje dajem u ovom ZAHTJEVU.
2. Da sekretar AIS-a i direktor Stručne službe AIS-a realizuju sve aktivnosti na sazivanju i održavanju Skupštine AIS-a po informacijama i elementima koje dajem u ovom ZAHTJEVU.
3. Da ovdje pozvani sa pozicija svojih funkcija u AIS-u naprave potrebne aktivnosti i pomoć u za realizaciju svih aktivnosti na sazivanju i održavanju Skupštine AIS-a po informacijama i elementima koje dajem u ovom ZAHTJEVU, a ovo se odnosi na:  
Dalal Mithat Talakić član Upravnog odbora AIS-a, Damir Bečić član Upravnog odbora AIS-a, Miroslav Bartulica član Upravnog odbora AIS-a, Suad Jukić predsjednik Nadzornog odbora AIS-a, Nedim Srnja član Nadzornog odbora AIS-a, Elvir Bandić član Nadzornog odbora AIS-a i Mehmed Bajraktarević zamjenik predsjednika Skupštine AIS-a.
4. Da se svi goreimenovani uz punu odgovornost po ovom ZAHTJEVU angažuju da se na web stranici AIS-a, te putem e-maila i ostalih do sada korištenih kontaktima sa članovima, u cijelosti objavi sazivanje Skupštine (cjelovit sadržaj na dvije naredne stranice) i pozove članstvo da prisustvuje sjednici Skupštine AIS-a kako slijedi:

U skladu sa Statutom AIS-a po Članu 24. stav (7), Članu 25. stav (2), Članu 26. stav (1), Članu 27. stav (1) tačka B, Članu 63. i Članu 65. Predsjednik Skupštine AIS- saziva

### VANREDNU SKUPŠTINU AIS-a

Koja će se održati 21.02.2024. godine 17:30 u Sarajevu na adresi Hotel HOLIDAY, Zmaja od Bosne br. 4.

Predlažem dnevni red kojeg će Skupština usvojiti ili korigovati:

1. Stavljanje van snage važećih Poslovnika o radu Skupštine AIS-a i Poslovnika o radu Upravnog odbora,
2. Izmjene i dopune Statuta AIS-a,
3. Razrješenje svih članova Upravnog odbora AIS-a,
4. Imenovanje članova Upravnog odbora AIS-a,
5. Razrješenje članova Nadzornog odbora AIS-a,
6. Imenovanje članova Nadzornog odbora AIS-a.

### Obrazloženje

- Upravni odbor AIS-a je odbio poduzeti potrebne aktivnosti i radnje da se postupi po Rješenju o nalaganju mjera za otklanjanje nepravilnosti u radu, a koje je AIS-u izdao Institut za intelektualno vlasništvo dana 04.12.2023. godine. Institut je AIS-u dao rok 120 dana za otklanjanje nepravilnosti u radu po ovom Rješenju, do danas je prošlo pola datog roka (60 dana), a Upravni odbor nije poduzeo niti jednu aktivnost na otklanjanju nepravilnosti. Stoga je nužna maksimalna hitnost za održavanje Skupštine i izboru novih članova Upravnog odbora koji će organizovati rad AIS-a oko efikasnog postupanja po Rješenju Instituta. Nepostupanjem po ovom Rješenju Upravni odbor direktno i u kratkom vremenu vodi AIS ka oduzimanju dozvole za rad od strane Instituta, te gašenje našeg Udruženja. Time se najgrublje i najdirektnije ugrožavaju prava i interesi svih članova AIS-a.

- Članovi Nadzornog odbora, predstavnici Skupštine i jedan član Upravnog odbora su više puta na zajedničkim sastancima precizno i izričito upozorili Upravni odbor da je obračun i raspodjela izvođačkih naknada za 2022. godinu napravljen suprotno interesima članova AIS-a i pravilima struke, te da u istom ima i elemenata teškog kršenja zakona. Ignorišući ova upozorenja Upravni odbor je 29.12.2023. godine preglasavanjem jednog člana UO donio odluku da se „po starom modelu“ izvrši obračun i raspodjela izvođačkih naknada za 2022. godinu, čime je jasno pokazao da želi nanijeti štetu članovima AIS-a.

- Kako je napisao Institut, prilikom nadzora nad radom AIS-a je potvrđeno da Stručna služba nema nikakvu kontrolu nad obračunom i raspodjelom izvođačkih naknada članovima AIS-a. Direktorica Stručne službe je nekoliko puta navela, što se kasnije pokazalo tačnim, da odlukom Upravnog odbora sve poslove na obračunu i raspodjeli izvođačkih naknada suvereno i samostalno radi radi spoljni saradnik, koji ima mjesto boravka u Švedskoj i radi u kompaniji koja je u vlasništvu i pod kontrolom predsjednika Upravnog odbora i njegove porodice. Ovo je nezakonit sukob interesa jer na ovaj način predsjednik upravnog odbora ima direktan utjecaj na rezultate obračuna i raspodjele izvođačkih naknada članovima AIS-a.

- Predsjednik Upravnog odbora je insistirao da se potrebe „mečinga“ u obračunu izvođačkih naknada angažuje mjesecima prije nego je „konkursom odabrana“ američka firma „Noctil“ i gospodin Jacob. Uz protivljenje jednog člana UO je odlučio angažovati „Noctil“ iako odgovornost te kompanije prema AIS-u ne postoji jer je nemoguće tužiti i na sudu dobiti američku kompaniju ukoliko u oštetiti AIS, a šteta se desila.




Članovi UO i NO, predsjednik i zamjenik predsjednika Skupštine nisu nikada na uvid dobili ugovor sa „Noctil“, niti je taj ugovor ikada preveden sa engleskog jezika na neki od jezika naroda BiH, to je stroga poslovna tajna.

- Član Upravnog odbora Slaviša Guja je na nekoliko sastanaka upozorio ostale članove Upravnog odbora da donose nezakonite i nestatutarne odluke na štetu članova AIS-a i da netransparentno rade, ali je na većem broju sastanaka UO jednostavno preglasan, a najveći dio njegovih upozorenja uopšte nije unesen u zapisnik sjednica Upravnog odbora.
- Upravni odbor je jedni krivac za apsolutno netransparentan rad AIS-a. Brojne informacije su sakrivene.
- Nadzorni odbor je na zajedničkim sjednicama upozoravao Upravni odbor da većinom glasova podržavaju brojne visoke troškove/izdatke AIS-a koje direktno određuje predsjednik UO, što čini štetu AIS-u.
- Upravni odbor AIS-a je kriv što za Godišnj izvještaja o radu i finansijski izvještaj za 2022. godinu nema pozitivno mišljenje Nadzornog odbora, te je zakonitost poslovanja AIS-a 2022. godine upitna.
- Nadzorni odbor se uz brojne razloge izjasnio neće dati pozitivno mišljenje za poslovanje AIS-a u 2023. godini jer smatra da Upravni odbor AIS-a sprovodi nezakonite i nestatutarne aktivnosti.
- Upravni odbor AIS-a je obmanuo prisutne na 8. redovnoj sjednici Skupštine AIS-a održanoj u Istočnom Sarajevu dana 16.01.2020. godine kada su usvojene veoma bitne promjene Statuta AIS-a bez da se o njima raspravljalo jer na iste Upravni odbor nije uputio članove AIS-a. Stvarni cilj ovih izmjena Statuta AIS-a 2020. godine jeste da se ubuduće značajno oteža Skupštini AIS-a da napravi izmjene Statuta u dijelu kojim se povećava moć Upravnog odbora i u kojem Skupština može donositi odluke od interesa za sve članove AIS-a u uslovima kada te interese ne ispunjava Upravni odbor, a što se upravo izrazito dešava od ovih obmanjujućih statutarnih promjena.
- Predsjednik Upravnog odbora je na jednoj od sjednica svih organa AIS-a izjavio da bez njegovog odobrenja ne može čak ni Skupština AIS-a biti sazvana, a održavanje Skupštine može pripremiti i realizovati isključivo Upravni odbor.

Iz svega navedenog je jasno da ovaj Upravni odbor ne može dovesti AIS u stanje normalnog, zakonitog, statutarnog i uspješnog rada u interesu SVIH ČLANOVA AIS-a. Ali, o tome može i mora odlučiti jedino SKUPŠTINA AIS-a. Stoga sazivam vanrednu Skupštinu u skladu sa Statutom Članom 24. stav (7) kako bi smo riješili probleme u radu u sadašnjim uslovima kada je ugrožen rad AIS-a i interesi članstva.

Prilozi uz poziv na Skupštinu će pravovremeno, u skladu sa zakonom, biti dostavljeni članovima AIS-a putem objave na stranici AIS-a i na poznate e-mail adrese članova.

  
Predsjednik Skupštine AIS-a, Miroslav Janjanin